



**DEPARTAMENTO DI
ADUANA A CELEBRA CU UN
GRUPO DI FUNCIONARIO
DEN CEREMONIA DI
HURAMENTACION**



WWW.SOLODIPUEBLO.COM



SOLODIPUEBLO@GMAIL.COM



**OM TA ACTUA CORECTAMENTE DEN
INVESTIGACION DI MIKE DE MEZA**

**DAMNAN TA
BASHI SPERANDO
POCO AWASERO**



**SOSPECHOSO DI A CAUSA
MORTO DI GULIDO DI
BOLITANAN DI DROGA MESTER
DUNA CUENTA NA HUES**

**CANDELA
MISTERIOSO
A KIMA FULL
UN CAMBER
NA UN CAS NA
POS CHIKITO**



POLIS A DETENE HOMBER TURISTA DESPUES DI A MALTRATA SU CASA NA HOTEL



Diamars madruga a drenta informe di un pelea cu hende herida entre turista na un hotel na Palm Beach, mesora a dirigi tanto polis como ambulans na e sitio.

Na yegada di e patruya a bin compronde cu aki tabata tin un discucion entre un pareha turista unda e homber a lanta dal e turista muhe un wanta y a start un pelea. E seguridad di e hotel mes a para e pelea y a yama polis pa e homber, na yegada di e patruya a detene e homber pa e agresion na su casa y a pidi un ambulans pa bin atende e dama cu a keda herida.



BOMBERONAN A BAY BASHA AWA RIBA E CUPULA RIBA TANKI ALTO VISTA



Dialuna atardi por a mira trucknan di bombero bay riba e sero di e Tanki Alto Vista y tabata bashando awa riba e cupula. Esaki en connexion cu un test pa wak si e awa ta pasa paden pa asina confirma cu e cupula a keda bon.



HOMBER DI EDAD MESTER A BULA PA AUTO NO DAL E PERO DEN E BULA ELA HERIDA SU MES!



Dialuna anochi a drenta informe di un accidente cu hende herida na Tanki Leendert, mesora a dirigi tanto polis como ambulans na e sitio. Na yegada di e patruya a bin compronde cu un homber di edad tabata crusando caminda ora e peaton a nota cu un auto ta bin riba dje ela bula y bay cay herida su mes, asina mes ela lastra pa por baha for di caminda



pa e auto no pasa riba dje. Na yegada di e ambulans nan a atende e victima y a transporte pa hospital.



CORTE SUPERIOR: OM TA ACTUA CORECTAMENTE DEN INVESTIGACION DI M.D.M.

Corte Superior a dicta sentencia den e apelacion cu M.D.M. a presenta contra e decision di Corte den Prome Instancia di 15 di augustus 2025.

Den e decision ey Corte den Prome Instancia a rechasa e peticionnan di M.D.M. pa ordena Ministerio Publico pa dun'e informacion detaya tocante e tipo y e base di e acusacionnan contra dje, y pa tuma un decision den su caso pa mas tarda riba 23 di augustus 2025, of dentro di un periodo rasonabel.

Corte Superior a trata e apelacion di M.D.M. riba 9 di september ultimo y ayera el a keda rechasa.

Corte Superior a determina cu Ministerio Publico ta hibando e investigacion penal conforme ley.

Ministerio Publico tin e responsabilidad pa haci investigacion y hiba persecucion penal, y ta pa e motibo ey cu Corte Superior ta haya cu un huez no por tuma decisionnan di alcance grandi durante e fase aki.

A base di e resultado di e investigacion penal, Ministerio Publico lo dicidi ki decisionnan lo mester wordo tuma contra e sospechoso.

Nunca no ta usual cu un sospechoso ta hunga algun rol den e proceso aki.

Den e caso excepcional aki, e hecho cu ta trata di un persona cu tabata na punto (y posiblemente ainda por ta) di wordo nombra como minister, e persona a wordo informa di su status como sospechoso y di e sospecho cu ta cay riba dje.

Corte Superior a determina cu Ministerio

Publico a cumpli cu e obligacionnan aplicabel den e situacion specifico aki.

Ministerio Publico no ta obliga pa duna mas informacion, ni den e caso concreto aki y sigur no en general.

Corte Superior ta enfatisa cu Ministerio Publico ta actua dentro di su funcion legal: evaluacion di e caso una vez e investigacion finalisa.

Pa cu esey, Corte Superior su consideracion ta cu Ministerio Publico tin un termino rasonabel pa cumpli cu esaki, esta, dos aña en general.

Den e contexto aki, mester tene cuenta tambe cu e presion structural cu tin riba capacidad di instancianan investigativo, loke ta influencia avance di hopi investigacion.

CANDELA MISTERIOSO A KIMA FULL UN CAMBER NA UN CAS NA POS CHIKITO



Dialuna mainta a drenta informe di cu tin un cas na candela na Pos Chikito, mesora a dirigi tanto polis como bombero na e sitio. Na yegada di e patruya a bin compronde cu full un

camber tabata na candela. Na yegada di bomberonan mesora nan a combati y a logra paga e candela pero como cu ta trata aki di palo nan mester a keda basha awa pa asina pasa esaki

completamente. E awa aki a causa hopi daño na e cas y pa straño cu e por zona no por a logra saca afor unda esaki a cuminsa ni kiko por a cuminsa pega na candela.



Noticiadi Corte

SOSPECHOSO DI A CAUSA MORTO DI GULIDO DI BOLITANAN DI DROGA MESTER DUNA CUENTA NA HUES

ORANJESTAD – Diabierna 3 October 2025, e homber G.E.T.(40) lo mester presenta dilanti Hues di Corte di Husticia, pa duna cuenta na Hues di e acusacionnan serio cu Ministerio Publico tin contra dje.

SOLO DI PUEBLO por a compronde cu ta sospecha G.E.T. di a viola ley di droga riba 24 December 2024 y cu dia 26 December 2024, el a causa morto di e homber Terence D'Aguiar.

GULIDO DI BOLITA A MURI

E caso aki mester a tuma lugar na Juni 2025 hunto cu e acusado J.M.Z., pero riba peticion di abogado mr. D.Croes di G.E.T., a pospone e caso. E acusacion di Fiscal contra G.E.T. ta cu riba 24 di December 2024, el a viola ley di droga y dia 26 di December 2024, el a causa morto di e homber defunto Terence D'Aguiar.

Durante tratamiento di e caso contra J.M.Z. ta sali na cla cu G.E.T. ta esun cu a pidi D'Aguiar

bay busca bolitanan di cocaina na Medellin, Colombia. Hues a muestra cu e amiga di D'Aguiar a declara na Polis cu G.E.T. a papia cu D'Aguiar. J.M.Z. a bisa den Corte, cu G.E.T. a pidi'e pa bay Medellin, Colombia y pa controla D'Aguiar. J.M.Z. a bisa Hues cu el a bay haci compras di regalo pa famia y tabata vigila D'Aguiar. El a splica cu den pasado a sosode cu D'Aguiar a bay caba Medellin pero door di usamento di droga, el a perde riba caya. Mester a manda hende bay busca D'Aguiar na Medellin.

Segun J.M.Z., el a bin Aruba cu D'Aguiar pero e no sa nada di gulimento di bolitanan. Segun e relato di Polis, dia 26 di December 2025, Polis a haya informacion cu un hende a muri cu bolitanan di cocaina den stoma. A resulta cu ta D'Aguiar a bira malo y a fayece. Investigacion a muestra cu 2 bolita di cocaina a kibra den su stoma.

J.M.Z. a declara na Polis cu G.E.T. a yam'e y bis'e cu D'Aguiar a fayece. Relaciona cu e caso aki, Polis a bay na cas di G.E.T. y a deten'e y tambe J.M.Z.

HUES A SUBI CASTIGO PA COMPLICE

Den e caso contra J.M.Z., Fiscal a muestra cu den pasado J.M.Z. a yega di haya castigo di prison pa asunto di droga. Fiscal ta haye culpabel y a exigi 18 luna di prison. Na Juli 2025, Hues a dicta sentencia contra J.M.Z. Hues a bisa cu e ta haya e caso excepcional pasobra D'Aguiar a fayece cu bolitanan den su stoma.

Hues ta haya cu J.M.Z. a haci e viahamento pa placa y no a responsabilisa su mes pa loke a sosode. Na opinion di Hues, e castigo exigi pa Fiscal ta mucho abao y a condena J.M.Z. na 2 aña di prison. Diabierna awor lo haya sa kico ta e castigo cu Fiscal lo bay exigi pa G.E.T.

ACCIDENTE CU HENDE HERIDA ENTRE UN AUTO Y UN STEP ELECTRICO NA ROTONDE PABAO DI ELMAR



Dialuna mainta a drenta informe di un accidente cu hende herida na e rotonde pabao di Elmar na Oranjestad, mesora a dirigi tanto polis como ambulans na e sitio. Na yegada di e patruya ya caba ambulans tabata na e sitio.

E patruya a bin compronde cu aki ta trata di un accidente entre un persona riba un step electrico y un auto unda e auto cu tabata riba e rotonde a bay dal e step y e persona riba e step a bay dal su cabes na e windshield di e auto.

E personal di ambulans a atende e victima y a transporte pa hospital.



DAMNAN TA BASHI SPERANDO POCO AWASERO



Departamento di Agricultura, Cria y Pesca Santa Rosa a bin ta premira e situacion di awa di dam for di algun luna caba. Hopi di nos productornan local ta depende riba e awa di dam cu nos di Santa Rosa ta hasi entrega cu nos trucknan. Pero den e dianan aki por a cuminsa tuma nota cu awa di dam ta cabando. Nos a haya berdad poco awa cu a yobe lunanan pasa pero toch asina mes esaki no tabata suficiente pa por yena e damnan pa nos por cumpli cu nos clientela di awa di dam. E demanda pa awa di dam ta keda halto pero mester ta realistico tambe cu si Aruba no haya un torencial awasero y yena

e damnan ta dificil pa por cumpli cu nos entrega di awa. Nos ta den un clima cayente y den e ultimo dianan aki tin un calor y temperatura ta halto cual ta hasi tambe cu na momento cubo ta muha bo matanan esaki ta evapora masha liher mes. Nos ta spera cu den e proximo dianan nos dilanti of lunanan caminda cu poco awa por cuminsa yobe cu mas frecuencia pa por logra yena e damnan pa asina nos por haya awa pa nos productornan por muha nan cultivo.

Departamento di Agricultura, Cria y Pesca Santa Rosa ta hasi un apelacion pa tene na

cuenta na tur nos clientela cu ta pidi trucknan di awa cu den e dianan aki nos no ta tumando pago pa e servicio di entrega di awa di dam pa motibo cu nos no por cumpli cu e demanda mientrastanto cu no tin awa. Nos ta compronde e situacion cu tur hende ta depende riba esaki pa por minimalisa e uzo di awa di WEB Aruba NV pero otro nos no por hasi. Ban spera cu e temporada nos dilanti por ta mas alentador pa asina trece poco awasero y nos por continua cu nos servicio di entrega di awa di dam na nos clientela.

Hasi Dam limpi

Ta momento tambe pa Departamento di Agricultura, Cria y Pesca Santa Rosa tuma e oportunidad pa mira e posibilidad pa hasi e damnan limpi. Esaki tambe tin su rekesitonan cune. Motibo ta cu berdad e dam por ta sin awa pero dado caso cu tin lodo den e fondo esaki ta dificulta nos trabounan pa hacie limpi. Pero esaki ta trabounan cu



lo bai wordo evalua pa por mira cua si por wordo hasi limpi y cua no. Esaki sigur lo yuda cu na momento cu por tin un torencial awasero e dam por retene mas cantidad di awa. Mas awa e dam retene mas nos departamento por cumpli cu nos clientela di truck di awa di dam. Pesey un biaha mas nos ta hasi un

apelacion na nos clientela pa tene na cuenta cu no tin suficiente awa di dam y ta pa e motibo ey nos no ta tumando pago pa e servicio na e moemntonan aki.

Nos ta gradici di antemano pa e comprension

AMBULANS A BAY SERO JANCHI PA UN HOMBER CU A HAYA CALAMBER NA SU PIA BAY NA STOMA Y AWOR TA SACA



Dialuna atardi a drenta informe di cu na Sero Janchi tin un homber di 28 aña cu a haya un calamber na su pia cu a subi na su stoma y awor ta keha di dolor di stoma y ta sacando mientras e tin problema ora di papia, mesora a dirigi un ambulans na e sitio.

Na yegada di e ambulans e homber mes a cana drenta den e ambulans y nan a atende y transporte pa hospital.

DAMA CHAUFFEUR A BAY CAMBIA DI VIA Y CAUSA UN ACCIDENTE YEGANDO ROTONDE CUMANA



Dialuna atardi a drenta informe di un accidente yegando rotonde Cumana, mesora a dirigi un patruya na e sitio. Na yegada di e

patruya a bin compronde cu aki ta trata di un accidente unda un dama chauffeur a bay cambia di via pero no a tene cuenta

cu un otro auto ta bini di otro banda y nan a bay dal den otro. Afortunadamente ningun hende a resulta herida.

Minister Geoffrey Wever

RENOBACION DI PIER DI EX-BRISAS DEL MAR NA SAVANETA TA START



Oranjestad, 29 september 2025 - Diadomingo ultimo distrito di Savaneta a conoce su prome Seafood Festival. Un evento como parti di e cooperacion entre gobierno di Aruba y Fundacion Savaneta Prome Capital cu tabata un exito rotundo y bishita masalmente. Como parti di su maneho pa e sector di pesca,

Minister di Finansa, Asunto Economico y Sector Primario, mr. Geoffrey Wever a firma e “Uitvoeringsovereenkomst” cu e compania cu a gana e destaho pa renobacion y mantencion di e pier di ex-Brisas del Mar na Savaneta. “Pronto e pier di ex-Brisas del Mar lo ta completamente renova, pa uso pa nos piscadornan y tur

habitante di Savaneta”, segun Minister Wever.

Mantencion y renobacion di piernan rond di Aruba ta prioridad pa desaroyo di e sector di pesca. Pa duna contenido concreto na e vision y maneho di gobierno di Aruba pa sector di pesco manera palabra den Programa di Gobernacion AVP-FUTURO 2025-2028, minister Geoffrey Wever a percursa pa aloca 500 mil florin pa renobacion di piernan pa nos piscadornan, cuminsando cu e pier di ex-Brisas del Mar na Savaneta y e pier den Colony na Rodgers Beach.

“Infraestructura basico y adecua ta un fundamento necesario pa



crecimiento y desaroyo di e sector di Pesca. Banda di facilita cu nos piscadornan tin e infraestructura necesario, comunidad henter, vooral muchanan, ta tambe por haci uzo continuo di e piernan aki pa disfruta di nan tempo liber na lama”, segun minister Geoffrey Wever.

Delegacion di AVP na Hulanda: CONTINUACION DI LASONAN FRUCTIFERO CU UNICEF



ORANJESTAD (30 di september 2025) - Den marco di e bishita oficial di delegacion di AVP na Hulanda, nan a haya un presentacion importante for di Fondo Internacional Infantil di Nacionnan Uni (UNICEF) referente na e colaboracion cu a cuminsa na aña 2013 entre Aruba y UNICEF Nederland. For di e tempo ey, UNICEF a sigui traha estrechamente cu tur gobierno y

stakeholder pa promove bienestar y proteccion di nos muchanan. Un momento crucial den e relacion aki a tuma lugar den aña 2022, ora cu gobierno di Aruba y UNICEF a haya un donacion di 1 milyon florin di Postcode Loterij. E fondo aki a permiti e implementacion di programa pa yuda sostene e proceso di recuperacion despues di pandemia



di COVID-19. Esaki ta proyectonan cu a duna beneficio directo y tangibel na nos comunidad.

Awor cu tur fondo pa e proyectonan original a termina, ta keda na Gobierno di Aruba pa aloca recurso pa garantiza continuacion di e iniciativanan den tapara cu lo duna resultado positivo.

Segun UNICEF, Aruba a logra bon progreso cu direccion y trekkernan asigna na e temanan, no tin ningun impedimento pa sigui implementa e proyectonan bou di otro schema di maneho.

Na aña 2025, UNICEF ta sigui presente na nos isla cu algun proyecto vital, incluyendo e apertura y implementacion di un modelo "family friendly workplace". E ultimo ta un paso crucial pa yuda famia y trahadonan, crea un ambiente laboral cu

ta adapta na necesidad di ciudadonan di mucha. Esaki ta un desaroyo cu tin beneficianan profundo y cu por fortalece tanto e bida familiar, como e mercado laboral.

E bishita na UNICEF ta refleha un continuidad den e relacion cu delegacionnan di Aruba semper a mantene durante añanan. E contacto permanente ta esencial pa sigura cu Aruba ta keda al

tanto di tur desaroyonan nobo y cu e colaboracion cu UNICEF por sigui duna resultado real na bienestar di nos pueblo.

Delegacion di AVP ta reafirma su compromiso pa sigui traha na nivel internacional y nacional pa promove un futuro den cual e bienestar di nos mucha y famianan ta enfoca central di e politica cu ta hiba.

Clasificados




SOLODIPUEBLO@GMAIL.COM
CEL.585 9500


DEPARTAMENTO DI ADUANA A CELEBRA CU UN GRUPO DI FUNCIONARIO DEN CEREMONIA DI HURAMENTACION



ORANJESTAD- Diabierna ultimo 26 september 2025 Gerencia di Departamento di Aduana conhuntamente cu Minister di Finansa, Asuntunan Economico y Sector Primario, sr. Geoffrey Wever, Staf y invitadonan a celebra cu un grupo di funcionario den un ceremonia di hurtamentacion na John



F. Kennedy Education Center. CroesyMinisterdiFinansa, sr. Geoffrey a gradici e grupo di funcionario di Departamento di Aduana panandedicacionyservicio na nos comunidad y a recorda e funcionarionan kico nan compromiso y contribucion ta tanto pa Departamento di Aduana como tambe nan huramento como empleado publico. Gerencia, Staf y personal di Departamento di Aduana ta felicita e grupo di funcionario cu a huramenta y cu Dios por guia y proteha cada un den nan tareanan diario.

HOMBER HERIDA HAYA RIBA CAMINDA NA SHIRIBANA



Shiribana - Dialuna anochi algo prome cu 10'or y mey unidad di ambulance y tambe polis a sali direccion Shiribana, unda cu auto lo a dal un persona. E incidente lo a sosode altura di Subway, polis den prome instante no a yega sitio exacto pero a bira bek y asina a wordo notifica

door di algun ciudadano. A resulta cu ta un conoci di polis cu tawata riba caminda drumi y tawata sangra na cabes. Segun version di De Mey, cu ta un auto a dal e y bay. Polis di trafico a presenta, y hunto cu otro agentenan a cuminsa tira bista pa camara di seguridad pa por confirma locual a pasa. Paramediconan cu a yega mesora a prepara e



brancard pa transporta De Mey pa Hospitaal. Polis a keda na e sitio pa compila mas informacion cu ta posibel.

Bryan Nemecek y Claudio Mata a gana prome luga!

TIERRA DEL SOL SU TORNEO DI GOLF 2025 A RECAUDA FONDO PA PLAN DI MAYOR



Bryan Nemecek y Claudio Mata ta e dos ganadonan di Tierra del Sol su torneo di golf presenta pa Arion Wine Company y California's Wente Vineyards. Esaki ta e isla su torneo di golf di mas popular cual ta tuma luga na Tierra del Sol su cancha di golf cual a caba di habri bek despues di recientemente ricibi un makeover extensivo. E evento di diasabra a conclui cu Bryan Nemecek y Claudio Mata liderando, Ashiko Martinus y Kenny Hover den di dos luga, y Maurice Campagnard y Zerinzo Croes den di tres luga.

E torneo anual organisa pa su di diesshete edicion ta recauda fondo pa sostene diferente causa den comunidad. E ta ofreci anualmente pa Arion Wine Company conhuntamente cu California's Wente Vineyards y algun otro patronisadornan generoso. Den

total 84 hungado a participa den un formato di dos persona. E fondonan colecta a keda destina pa Plan di Mayor, un fundacion cu ta brinda cuido pa mucha, como guia pa mayornan.

E 'shotgun start' 12'or di merdia tabata personalmente presenta pa golf pro James Kiley, asisti pa Govert van der Hout di Arion Wine Company y Eric Wente, Gerente di Hunta di Wente Vineyard, kende a gradici tur hungado pa nan participacion anto a saca algun potret cu diferente hende.

Despues di un excelente atardi riba cancha di golf, hungadonan a bini hunto rond di e pool n'e Clubhouse durante bahada di solo pa un sopi delicioso y sandwich brinda pa Birdie Restaurant na Tierra del Sol, combina cu bottomless Wente Vineyard su dushi biña. Despues a bini un ceremonia di premiacion, presentacion di premio, y oportunidad pa saca potret di cual a haci esaki un dia yena cu actividad leuk pa tur presente.

Tur premio tabata patronisa pa Wente Vineyards anto ta inclui algun di e miho biñanan den boternan grandi, como tambe biahe p'e winery situa na California pa esnan cu a gana prome luga por hunga n'e Greg Norman Golf Course. Pa esnan cu a gana di dos luga a haya un dinner pa dos na Papiamento Restaurant, combina cada uno cu un nechi boter di biña Wente. Ganadonan di tres luga a ricibi un gift bo set, cu tres boter di biña Wente cada uno; Riva Ranch Chardonnay, Southern Hills Cabernet Sauvignon, y Angels Ink Pinot Noir.

E ceremonia di premiacion



presenta pa golf pro James Kiley, cu trahado di biña Eric Wente y Govert van der Hout di Arion Wine Company, presentando e premionan, tambe reconociendo esnan mas cerca di pin shots di Omar Paneflek na hole#3, Robert Aldrich hole #7, Jochem Ros hole#13, Alton Nicolaas hole#15, y George Ruiz hole#17. E ganado di 'longest drive' riba #1 tabata Maurice Cmapagnard, y Angeline Flemming riba #16. Un premio extra a keda presenta na un hungado cu a gana un quiz di biña, subrayando su conocimiento amplio den loke ta e marca di Wente; Ashiko Martinus a keda premia cu un boter di tres liter di Livermore Valley Wetmore Vinyard Sauvignon Blanc, pa su logro.

Tur hungado a expresa nan satisfaccion completo cu e organizacion detaya di e torneo, e tokenan special, tambe hopi a papia bon riba e sandwich creativo y delicioso di Papiamento Restaurant cu otro delicianan cu a ricibi durante e dia. "Un brindis pa un otro año mas", Eric Wente a bisa na final di e ceremonia, cu e promesa di t'ey bek pa 2026 su di diesocho edicion. Wente a reconoce tambe e inmenso trabao di planificacion cu esaki ta rekeri,



cual tabata den man di Arion Wine Company Team.

Den e imagen por mira Eric Wente, Govert van der Hout, James Kiley na e ceremonia cu e feliz ganadonan. E siguiente companianan local a sostene e Arion Wine Company & Wente Vineyards Golf Tournament 2025: Aruba Bank, Builders' Windows and Doors, Plus Accountants, ASD, Aruba Aloe, Aruba Airport, Sotheby's Real Estate, Robertson Fire, Setar, Safecom, Complete Logistics, H&H Fine Wine and Spirits, Happy Insurance, Tropical Bottling Company, Papiamento Restaurant, Bright Bakery, ACC (Aruba climate control), ProNova, and IberoStar Hotels and Resorts.

E cancha di golf reconstrui a ricibi tremendo feedback di hungadonan apreciando su bunita paisahe, desierto y lama. E cancha di golf di clase mundial, reconstrui y awor mas espectacular, ta un logro masha grandi pa Aruba y Iberostar Resort Company, trahando den forma sostenibel pa mantene tur cos berde, hunto cu un crew di mantencion dedica na mantene e 110 acres di yerba berde den top condicion, par 71, 6,811 yarda di golf.

RADIATE. RISE. RENEW.



Biblioteca Nacional Aruba Esaki ta Sharina Gumbs



ta anfitrión pa e exposicion di artista visual Sharina Gumbs na october. Un cordial bon bini ta bay na tur. Apertura di e exposicion ta diaranson awor 5or y mey di atardi pa 7or.

E exposicion ta keda habri pa publico durante orario regular di biblioteca.

su di dos exposicion na biblioteca na Playa. Titulo di e exposicion ta ‘Radiate. Rise. Renew.’. E exposicion ta ofrece un biahe den desaroyo di artista Sharina Gumbs y e ta un combinacion di obranan di diferente periodo, experimento, obranan nobo y ta duna un bista di e diferente

BIBLIOTECA NACIONAL ARUBA

ART EXHIBITION

RADIATE.
RISE.
RENEW.

SHARINA GUMBS



1 OCTOBER 2025
5.30 PM
RSVP +297 7491217



experencianan di bida. den e exposicion ta, e amor. E amor cu ta un
Tur hende ta pasa den celebracion di e bida di bunita herencia cu ta sigui
bon y den malo. Central Sharina su mama y su guia e artista.

Clasificados



SOLODIPUEBLO@GMAIL.COM
CEL. 585 9500



2 TURISTA FEMENINO A PERDE CONTROL DI NAN QUADRACER Y A ACCIDENTA PABAO DI ROTONDE TANKI FLIP DURANTE UN TOUR CU A PAENAS A CUMINSA



Dialuna atardi a drenta informe di 2 turista femenino lo a accidenta pabao e rotonde Tanki Flip, mesora a dirigi tanto polis como ambulans na e sitio. Bomberonan cual net tabata saliendo a para pa duna asistencia na e victimanan pero esakinan no tabata desea di haya

atencion medico y a prefera di nan mes bay na un centro medico pa haya atencion. E quad racer tambe a haya basta sla y un pick-up di e compania mes a bin pa buske mientras ambos dama a ser hiba riba un otro quad racer pa e atencion medico.

MOTOCICLISTA HERIDA DEN UN ACCIDENTE NA ROTONDE BANDA DI LING & SONS




Dialuna merdia a drenta informe di un accidente cu hende herida na e rotonde banda di Ling & Sons,

mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda un auto a bay subi e rotonde sin a duna preferencia na e motociclista cu tabata riba e rotonde.

Debi na e impacto e motociclista a resulta herida cu dolor na su lomba. Na yegada di e ambulans nan a atende e victima y a transporte pa hospital.



DIRECTORA TECNICO DI COA TA SPLICA E IMPORTANCIA DI STRATEGIA NA NIVEL DI MANEHO DI DEPORTE





Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - September 30, 2025

 Sorteo # 4758 1772 8741 3572  X3  Sorteo # 4758 8542  X2  Sorteo # 2814 7220  Sorteo # 4758 9008 Sagitario  Sorteo # 1632 211  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 130.000,-	 Sorteo # 0 x Jackpot 0 x Match 4 0 x Afl. 8,00 Proximo Jackpot 51.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 290.000,- Afl. 390.000,-	 Sorteo # 
---	---	---	---	--

Capacity Building Training Fase II ta sigui cu tayer di Planificacion Deportivo Ayera nochi na MFA Noord a continua cu e curso di “Capacity Building Training” Fase II unda cu despues di a termina e parti di “Marketing & Communications” ta pasa pa Planificacion Strategico Deportivo, unda Directora Tecnico di COA Monica Fajardo a prepara un tayer interactivo pa tur federacion miembro presente. Durante e prome dia di tayer, a splica e importancia di tin un planificacion strategico na nivel deportivo y ki tools por usa pa analisa e necesidadnan di cada federacion. Manera costumber a mira un bon participacion di tur federacion miembro presente, unda a traha riba diferente ehercicio cu duna un idea concreto pa con traha na yega na un Planificacion Strategico Deportivo individualisa pa cada federacion. E tayer aki sigur lo sirbi den e proceso di cada federacion como e obhetivo final di fase II ta pa prepara un plan strategico general pa trece mehoracion na e nivel di maneho. #TEAMARU

SOPI DI LETRANAN

Baby Shower Sopa de Letras



- ZAPATITOS
- TOALLITA
- EMBARAZO
- ANTOJOS
- ABUELOS
- PELUCHE
- BIBERON
- BEBITA
- AMOR
- NENA
- PAPA
- MAMA

S O T I T A P A Z Z
V B E B I T A H G I
A T I L L A O T O N
Q N S U A M T N Z E
P B S O J O T N A N
S A M A M R V A R A
E H C U L E P P A U
B I B E R O N A B Y
L G Z A G H A P M Z
G S O L E U B A E S

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Oracion di dia

Un dia fructifero y cu e
luz di Cristo por briya den
cada un di nos

" ... Pasobra tur hende cu halsa nan mes, lo keda humilia, ma esun cu
humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos
por ta manera e fariseo husgando otro y halsando su mes of manera e
cobrado di belasting ta reconece su falta y su necesidad di compasion.
Cu humildad nos ta sirbi otro sin busca recompensa; scucha mas y papia
menos, na balora e otro nan pa loke nan ta y no pa loke nan tin of ta
aparenta di ta. Reflexionando continuamente ta yuda evita na cay den
orguyo y na mantene nos mirada fiho den e mision cu Señor a confia
nos. Biba cu berdadero humildad ta nifica rechasa e mascaradanan cu
hopi biaha nos ta pone pa impresiona of pa competi cu otro. No biba un
bida superficial of di falsedad, sea un luz pa mundo unda e luz di
Cristo ta briya den bo. Loke ta importa no ta con otro nan ta mira nos,
sino con Dios ta mira nos. Ser bo mes y cu humildad ta acerca nos na e
berdadero esencia di nos fe y esey ta haci nos un instrumento den e
man di Dios.

Oracion : Señor Hesus, haci mi curason pareu na bo curason. Manso y
humilde y obedecido na bo Santa voluntad.

Amen.

INTERPASO 2025 COMPETENCIA DI CABAY, EQUITACION Y EXPO



Interpaso 2025 ta cuminsa diabierna 3 di oktober caminda OCA (Organisacion Caballista Arubano) lo celebra su 40 anja di existencia cu un weekend yena cu actividad. Cu entrada completamente gratis, bar y cushina bon surti, lo conta cu 3 dia di ambiente.

Diabierna lo ta un dia special pa tur e caballistanan unda lo cuminsa cu un Expo di e 40 anjanan di OCA. Cu potret y resultadonan di anja 1985, nos ta invita tur caballista di antes y awor pa pasa. Diasabra lo tin competencia di cabaynan di Paso Fino, Trote y Galope y Trocha y diadomingo di Equitacion. Tur 3 dia lo tin banda y/of DJ pa pone ambiente.

DESPUES DI E ACCIDENTE CU E STEP MAINTA, MERDIA E SPECIALISTANAN DI TRAFICO A BOLBE BAY MERDIA NA E SITIO DI ACCIDENTE!



No ta conosi e motibo pero hecho ta si cu e specialistanan di trafico a bolbe bay na e sitio di accidente awemainta na e rotonde pabao di Elmar pa haci algun calculo y asina aparentemente wak si e stepnan electrico mag di ta riba caminda of no!



Parlamentario Dennerich Kelly:

“ARUBA MESTER TA UN PARAISO TAMBE PA NOS GRANDINAN”

ORANJESTAD – (30 di september 2025) - Parlamentario di partido di Pueblo Arubano (AVP), sr. Dennerich Kelly a pone atencion riba bienestar di nos grandinan durante e conferencia di prensa semanal di fraccion. El a indica cu, mientras Aruba ta conoci mundialmente pa su solo y su beachnan, tras di esaki nos isla ta enfrentando un reto creciente di vergrijzing, o sea e embehecemento di nos poblacion. E situacion aki no ta unico pa Aruba. Hulanda como tambe hopi otro paisnan na mundo ta enfrentando e mesun reto aki cu ta pone un presion grandi riba e sector medico y

social. Sr. Kelly ta bin for di e sector aki y como tal ta bon familiarisa cu e problematica aki. Pero vergrijzing ta afecta tambe otro sectornan di nos sociedad, manera e fondo di pensioen, vivienda adecua y sector laboral. Recientemente un articulo di NOS na Hulanda a pone e tema aki dilanti: dolor y silencio den famia ora cu ta trata cuido di adulto mayor. Parlamentario Kelly: “Esaki ta un alarma pa Aruba, pasobra nos grandinan no mester silencio, nan mester trato cu dignidad y respet.” Gabinete AVP/FUTURO tin un vision cla pa aborda esaki: Den e Plan di Gobernacion den capitulo 15, e gobierno

actual tin fiha un rumbo cu ta pone enfoke riba salubridad publico, prevencion y fortalecimiento di cuido pa adulto mayor. E ta inclui reforma di AZV, mas atencion pa profesionalnan di salud y un colaboracion estrecho cu famia, boluntario, hoben y diferente departamento di gobierno. “Nos sa cu cambio den sector medico ta tuma tempo, pero nos ta compromete pa traha

cu pasenshi y perseverancia pa trece mehoracion pa nos grandinan. Nan a traha hopi pa nos pais y nan merece mihor” asina parlamentario Kelly a afirma. AVP y FUTURO ta kere cu bienestar di adulto mayor ta fundamental pa mantene balansa na Aruba. Pa logra esaki, nos comunidad mester traha hunto: gobierno, pueblo y organisacionnan social. Solamente asina nos por sigui



brinda dignidad y respet na nos grandinan y sigura cu Aruba ta keda un paraiso pa tur su ciudadanonan.

Gradicimento/invitacion

Na nomber di famianan nos kier a gradici tur es nan cu na un manera of otro a duna nos sosten, consuelo y forsa durante e tempo difcil cu fayecimento y entiero di nos defunto stima:



Sra. Vda Maxima E. Semeleer-Paesch
Cariñosamente yama “Shomina,”Mamina”

Ta gradici tur dokter y asst. pa nan atencion y bon cuido cu semper nan a brinda pa nos, na un y tur cu a yama, message y manda flor.
Tambe na Aurora funeral Home pa cu su bon servicio y atención.

Ta invita pa asisti na 3 Santo Sacrificio di Misa cual lo tuma lugar:
Parokia, St. Anna, Noord

-Diaranson, 1 october 2025 6.30 pm y después di misa lo tin un rosario na cas.

CROSSWORD WORD SEARCH PUZZLE



Name: _____ Date: _____


Spring is Here!

Across

1. It warms and brightens everything.
3. Warm up from a freeze.
5. They make honey.
7. Meal in the park.
8. Colorful arc in the sky.
10. It keeps the rain off you.
12. The color of spring grass.
14. Where a bird lives.
17. An adult caterpillar.
19. A baby chicken.
20. What chicks hatch from.
21. It comes after winter.
22. Red insect with black spots.

Down

2. Come out of an egg.
4. Wiggly creature that lives in the ground.
6. Short rainfalls.
7. Small pool of rain.
9. What the lawn is made of.
11. Another name for a rabbit.
13. A spring holiday.
15. Holland is famous for this flower.
16. Just a little wind.
17. Flower on a tree.
18. It is green and on a plant.
19. It might hide the sun.



Word Bank: Bees, Blossom, Breeze, Bunnies, Butterfly, Chick, Cloud, Easter, Eggs, Grass, Green, Hatch, Ladybug, Leaf, Nest, Flower, Puddle, Rainbow, Showers, Spring, Sunshine, Thaw, Tulip, Umbrella, Worm

Delegacion di AVP na IPKO:

COOPERACION Y UNIDAD DEN REINO TA REFORSA NOS COMUNIDADNAN



DEN ORANJESTAD (29 di september 2025) – Durante e ultimo dia di e Interparlamentair Koninkrijksoverleg (IPKO) na Hulanda, delegacion di AVP a expresa satisfaccion cu e manera e sesionnan a desaroya den un spiritu di cooperacion, respet y compromiso pa fortifica lazo diplomatico den Reino Hulandes. E reunionnan di e ultimo dianan a muestra cla cu tur pais – Aruba, Corsou, Sint Maarten y Hulanda –

tin boluntad pa traha man den man riba bienestar di nos comunidadnan. Delegacion Arubano a destaca cu e dialogonan profundo, e presentacionnan di experto y e intercambio continuo di idea ta contribui pa fortalece tanto nos institucionnan parlamentario, como e unidad den Reino. Dialuna mainta tur delegacionnan a haya un audiencia oficial cu Su Mahestad Rey Willem Alexander den Palacio

Noordeinde. Durante e encuentro, a trata topiconan di interes comun, enfocando riba desafio actual y oportunidad futuro den area di educacion, desaroyo economico, sostenibilidad y bienestar social.

Segun presidente di comision di asuntonan di Reino y exterior señora Jennifer Arends-Reyes, e audiencia tabata un momento significativo pa reafirma cu nos monarca ta sigui tene un rol central como simbolo di unidad y estabilidad.

Despues di e audiencia, un conferencia di prensa a tuma lugar caminda a anuncia, entre otro, cu e proximo IPKO lo tuma lugar na Aruba den luna di februari 2026. Den esaki, tanto Arends-Reyes como Presidente di Parlamento, señor Marlon Sneek, a dirigi palabra, resaltando



e punto di acuerdo mas relevante di e conferencia cu a caba di culmina. T'asina cu durante e dianan di e encuentro a logra consenso riba tema crucial manera educacion vocacional y oportunidad pa hobennan

den Reino, discusion riba sostenibilidad financiero y transparencia gubernamental, y necesidad di sigui enfrente hunto e retonan global manera cambio climatico y vergrijzing (embehecamiento).

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

UN BITTER DI MAS...

POR STROBA BO DI YEGA CAS.

E DESICION TA DEN BO MAN

#AMICODIDI